



اگلا

امين كنجار



بِسْمِ اللَّهِ الرَّحْمَنِ الرَّحِيمِ

اکلایا

امین کنجاہی

تجملہ حقوق محفوظ ہیں

اکلاپا	نام کتاب
امین کجیہی	شاعر
طیبہ بخاری	مدیر ایڈیٹر
سید صداقت علی شاہ	خصوصی معاون
فن کدہ	خصوصی تعاون
محمد اشفاق ایاز	نظر ثانی
(اسلم کمال)	سرورق
جولائی 2021ء	تاریخ اشاعت
مکتبہ پاک ادب	ناشر
طیب اقبال پرنٹرز	طالع
انس احمد اسماعیل	کمپوزنگ
300	قیمت (پاکستان)
2 ڈالر	قیمت بیرون ملک
سواؤتھ ایشیاء میڈیا سروس (SMS)	ٹیکنیکی معاونت
این ایس ٹیکنالوجیز پرائیویٹ لمیٹڈ	
حماد انصاری ایڈووکیٹ	قانونی مشیر
کتاب منگوانے کا پتہ: E 76 لاہور پریس کلب ہاؤسنگ سکیم ہرنس پورہ لاہور	
فون: 0308-4277410 = 0321-4270363	

مکتبہ پاک ادب

ایم 42 آئی ٹی ٹاور 73 ای ون حالی روڈ گلبرگ تھری، لاہور

اقتساب

اپنے

اپنے اکلاپے دے ناں
تے

میری آون والیاں

نسلاں

دے ناں

فہرست

صفحہ نمبر	نمبر شمار
10	1 پہلی گل
13	2 دل دی گل
15	3 پنجابی نظم
16	4 پنجابی غزل
17	5 جدے نال روح ملدی
18	6 بھلکھے وچ پاچھڑیا ای
19	7 غافل عشق پجاری اے
20	8 مری نس نس دے وچ نسے او
21	9 اسی عشق مجازی کر بیٹھے
22	10 لوکاں کولوں تھک گیا واں
23	11 جد جان میری نکلے گی
25	12 میں رب کولوں اے ملگنا واں
26	13 کڈھ کے جند او لے جاوے گا
27	14 اک عرضی
28	15 ہولی ہولی سارے مردے جاندے نے
29	16 گھر جا کے کی کرنا اے
30	17 خواباں دے لشکارے اندر
31	18 رب جانے کیہہ ہونا ایں

32	عشق دادھو کہ کھا کے ویکھاں	19
33	وچھوڑا	20
34	تھجیل	21
35	پاٹھ دھو کے تھک گئی آں	22
36	سچے لوگ ویں اوکھے ہوندے	23
37	تیرے عشق دے رنگ وچ رنگ جاواں	24
38	عشق دا عین	25
39	نماں نماں بس وے	26
40	جھوٹ دا سودا	27
41	اکھاں دے غلافاں وچ	28
42	اے کس بڑا بے وس	29
43	شاہ عنایت دے درتے	30
44	ساڑھ کے کولا کر چھڈ یا ای	31
45	مہینے دیاں گلیاں	32
46	پہلی ملاقات	33
48	آخر اک دن مرجانا اے	34
52	ڈر	35
53	سگریٹ	36
54	چڑیاں بول پچیاں	37
55	پولے	38
56	سوہنے لوگ	39

57	اپنا آپ گنوا بیٹھے آں	40
58	ہجر و چھوڑا مکدا نہیں	41
59	دنیا داری	42
60	اکھیاں	43
61	اے دنیا دوسوں بار	44
66	چاہ	45
68	دل دا بوہا	46
71	کھوٹ	47
72	سچی گل	48
74	سمندر	49
75	موسم	50
79	سزا	51
83	چھل	52
87	ہار	53
88	مٹی دے بُت	54
89	ورد	55
90	یار	56
91	کتا	57
92	اپنی نفی	58
93	موڑ	59
94	روٹاں	60

98	روح دا چولا	61
100	قیمت	62
101	دل دا کاسا	63
102	عرضی	64
105	عشق ندی	65
106	کلم کلے	66
107	قضا	67
108	ٹھنڈی چھاں	68

پہلی گل

اپنے متراں تے ویراں لئی پنجاب دی ترقی کجھ گجرات تو امین کجھ ہی اپنی پہلی پنجابی دی کتاب دے شعری مجموعے دا پرگا لے کے حاضر اے جسدا ناں ”اکلایا“ اے۔ تے تو اڈے کولوں امید کرنا آں کہ تو انو میراے کلام پسند آوے گا۔ اے کلام میں آپ نیں لکھیا، سچی گل میں تو انوں دساں اے کلام میرے تے اُتر دا اے انج اُتر دا اے جیویں بڈل بن کے بارش سکے باغاں نوں تے بوٹیاں نوں ہر ابھر اکر دیندا اے۔ اے کلام جدوں میرے اُتے اُتر دا اے تے مینوں ایویں لگدا اے جیویں میری روح وچ صفائی ہو گئی اے ترو تازہ ہو گئی اے اور سوہنی تے ستھری ہو گئی اے۔

پنجابی کلام پڑھن تے سُنن دامنوں بچپن توں شوق اے۔ تو انوں پتا اے پنجابی لکھنی بڑی اوکھی اے حالانکہ پنجابی ساڈے پنجاب دی ماں بولی زبان اے، اس دے باوجود اسی زیادہ تر کلام سنے، اور کلام وی زیادہ تر سنے میاں محمد بخش دی سیف الملوک سنی اے، مادھووال حسین دے، شاہ حسین دی کافیاں سنیاں، بابا بلھے شاہ دا کلام سنیا، وارث شاہ دی ہیر سنی، لونک کہانیاں سنیاں، خواجہ فرید دا کلام ”مینڈا عشق وی توں ایمان وی توں“ سنیا۔

ایہہاں چیزاں نے میرے اندر بچپن توں ہی اک ماحول پیدا کیتا کہ امین توں وی کجھ پنجابی تے لکھ، پنجابی کلام لکھ، شاعری لکھ تے فیر رب نے کرم کیتا کہ میرے جے ماڈے بندے نوں وی اے توفیق عطا فرمائی۔ روحانی طور تے میں پنجابی شاعری تے جے استاد کسے نوں منناں

آں تے میں سمجھناواں کہ میاں محمد بخش صاحب، بلھے شاہ جی، شاہ حسین تے استاد دامن جیسے لوکاں توں میں بڑا متاثر ہو یا آں۔

میں کوئی لہنہاں دے بر برداتے نیں آں لیکن اپنے اندرونوں صاف کرن دی کوشش کرناواں۔ کچھ چیزاں کچھ شعر تو اڈی خدمت وچ سانجھ کرناواں۔

میری لوں لوں دے وچ چیکاں نے، مینوں
تیریاں یار اڈیکاں نے
میرے ویری نہ مینوں مار سکے، مینوں مار یا رل
شریکاں نے

ایک اور شعر تو اڈی خدمت پیش کراں گا:

چاٹی وچ مدانی اوکھی، دل دی میل مکانی اوکھی
اُکھی پیچے لڑ جاندینے، لا کے توڑ نبھانی اوکھی

تے کم کرنا کوئی مشکل نہیں ہوند پر اوہوں توڑ نبھانا بڑا مشکل ہوندا اے تے اے میرا زندگی دا کئی وریاں دا خواب سی کہ میں دی اپنا پنجابی کلام گجرات کنجاہ آباد دے حوالے نال پیش کراں۔ کنجاہ دی زرخیز مٹی وچ ایسے ایسے وڈے لوکی پیدا ہوئے جہاں وچ غنیمت کنجاہی جیہڑے کہ فارسی دے بہت وڈے شاعر سی پنجاب وچ اونہاں دامنزاراے۔

جناب شریف کنجاہی صاحب ہوراں دا پنجابی دا بہت وڈا ناں اے جہاں نے پنجابی وچ بڑا کم کیتا، اونہاں دی سوچاں دی پونجی توں لے کے اونہاں دی پنجابی ترجمہ کلام پاک ترجمہ نظم کیتا اے اونہاں دا بڑا وڈا کارنامہ اے۔

روحی کنجاہی، زوہیب کنجاہی، زمان کنجاہی صاحب، منیر چشتی کنجاہی اور فیر ماڑا جیا امین کنجاہی۔ جیہڑا پنجابی شاعری دا اپنا پہلا پراگا تاڈے اگے پیش کر رہیا اے، امید کراں گا کہ تانوں پسند آئے گا۔ بس اے رب دی عطا کیتی ہوئی چیزاں نیں میری اپنی کوئی اوقات نہیں، میں بڑا ماڑا بند اچے۔ ڈاکٹر صغریٰ صدف ہوراں وی ادے وچ میرا ناں بڑا تعاون کیتا، اور مینوں وی

اوہناں تے بڑا مان اے، اونہاں میری بڑی حوصلہ افزائی کیتی۔ باقی میرے جئے اک چھوٹے تے ماڑے انسان تے رب داتے او دے نبی داکرم اے۔

تواڑے دیراں تے متراں دلوں امید کرناں واں کہ تہی اس پنجابی دے کلام نوں پسند کرو گے جسدا ناں ”اکلاپا“ اے کہ میں گھارہ گیا واں تے تہی اک کلاپا لے کے تے مینوں کلیاں نہیں رہن دیو گے مینوں اپنے نال جوڑ لوؤ گے۔ اپنیاں روحاں وچ، اپنے آپ وچ۔

تے میں زیادہ ہور گل نہیں کرنا چاہندا مینوں اینہا کجھ آنداوی نہیں اے جو کجھ اے تواڑے سامنے رکھ دتا اے، جیہڑی غلطی خامی ہوئی او میرے کھاتے پادینا اور جیہڑی کوئی اچھائی ہووے اوے میرے رب داکرم اے۔ میری اپنی اوقات ای نہیں اے کہ میں کجھ لکھ سکاں آخر ایچ اے کتاب وچوں اک شعر پیش کرناں واں:

چُپ چپتے مر جاواں گے، آخر اپنے گر جاواں گے

کجے پنڈے عشق سمایاں، اوکھاں پنڈا سُر جاواں گے

عشق تے سٹالا بیٹھے آں، جتے نہ تے ہر جاواں گے

امید کرناں واں تو انوں میری اے پنجابی دی کاوش پسند آوے گی، اے میری روح دیاں گلاں نے جیہڑی میرے اندروں نکلیاں نے، میرے بدن، جسم دے نال اس دا کوئی تعلق نہیں، اے میرے رب دی عطا اے۔ امید کرناں واں تو انوں ”اکلاپا“ پسند آئے گی۔

فقط دعا گو

امین کنجاہی

دل دی گل

30 توں 35 ورے لنگ گئے مینوں پترکاری (صحافت) کر دے ہو یاں، اس دوران میری ہمیش
توں کوشش رئی کہ

اخباراں وچ لوکاں دی گل اگے لیائی جاوے۔۔۔

ٹی وی چینلز اُتے لوکاں دے دل دی گل سرکاراں اگے رکھی جاوے۔۔۔

ریڈیو تے لوکاں دی گل سنائی جاوے۔۔۔۔

اُسی اپنے دل دی گل تے کر ہی نہیں سکدے۔۔۔۔

ساڈی گل تے دب جاندی اے یا دبا دتی جاندی اے۔۔۔۔

پر کسی نہ کسی طرح لوکاں نال رل مل کے گل بات دا سلسلہ جاری ضرور رکھنے آں۔۔۔

تاکہ۔۔۔۔ گل چلدی رے۔۔۔۔ رُکے نہ۔۔۔۔ کہتے نہ کہتے تے ضرور پہنچے گی۔۔۔،

کوئی نہ کوئی تے ضرور سنے گا۔۔۔

کوئی نہ کوئی تے گل دی قدر کرے گا۔۔۔۔

کوئی نہ کوئی تے ملے گا جیہڑا گل دامان رکھے گا۔۔۔۔

رب دی دھرتی اپنی وی بنجر نہیں ہوئی کہ سانوں ایسے بندے ناملدے۔۔۔ سانوں سوہنے رب

نے گل دامان رکھن والے بندے دے پر تھوڑے جے۔۔۔۔ امین کجباہی ور گے بندے اونہاں

تھوڑے جے بندیاں وچوں اک نیں۔ سدے، سچے، سُچے تے کھرے۔۔۔۔ گل سُندے نیں،

گل کہہندے نیں، گل کرن دا ول جاندے نیں، تے گل کرن والے دی قدر کرنی وی ادناں نوں

آندی اے۔۔۔۔۔ عام بندے نال عام تے خاص بندے نال خاص بن جان دانیں۔۔۔۔

بالکل پانی ورگی طبیعت رکھدے نیں اپنا رنگ چھڈ دے نہیں تے دوجے دے رنگ نوں اپنے اندر

لکولیندے نیں۔ وڈا بندہ کلاہی فیصلے کردا اے تے کلاں ای ٹر پیندا اے، فیر جنوں رب توفیق تے

ہدایت دیوے اوچکھے چکھے یا نال ٹر پیندا اے۔۔۔۔۔ امین کجباہی وی کھلے ای پینڈا اکٹن والے

لوکاں وچوں نیں ”اکلاپا“ ادناں دی کلی سوچ، کلے فیصلے تے کلے سفر دی کہانی اے۔۔۔۔ اپنے

آپ نال کیتی جان والی گل بات اے۔۔۔ ایہو جی گل بات جیہڑی رُکی نئی۔۔۔ آمدی رئی۔۔۔
چلدی رئی۔۔۔ اوکھدے رئے۔۔۔ تے ہُن تسی پڑھو۔۔۔ سناؤ تے پنجابیاں نوں دکھاؤ۔۔۔
مینوں تے امین کنجاہی دا ”اکلاپا“ بڑا سوہنا، سچا، سُچا تے وکھرا لکھا۔۔۔ پنجابی ایسی مٹھی تے
وکھرے، اُچیا، لوکاں دی بولی اے کہ ایس بولی وچ کجھ دی پیڑا، اوکھا، یا بے سودا دانی لگدا۔۔۔
ایس بولی دے بولن والے تے لکھت پڑھن والے وی وکھرے ای ہوندے نیں۔۔۔۔ امین
کنجاہی وی وکھرے پنجابی نیں۔۔۔ ایسی واسطے میں اوناں دی افسانیاں تے کہانیاں دی کتاب
”عشق آتش“ چھاپی تے ہُن دوجی کتاب ”اکلاپا“ نوں پنجاب دے سپرد کرن دا فیصلہ کیتا۔۔۔
پہلی گل امین کنجاہی جی نے کیتی سی میں اوناں دی دوجی کتاب چھاپ کے دوجی نہیں ”دل دی گل“
کیتی اے۔۔۔ تے مینوں آس امید اے کہ پنجاب تے پنجابیاں نوں ”اکلاپا“ تے میرے دل
دی گل ضرور پسند آئے گی۔۔۔ ”اکلاپا“ نوں کلے نئی بلکہ کول کول بے کہ پڑھیا جے۔۔۔ تاڈا
کلاں پن دور ہو جائے گا۔۔۔ اک نئے جہان وچ۔۔۔ اپنے پنجاب وچ۔۔۔ تے اپنی پنجابی
وچ پونج جاؤ گے۔۔۔ آخر وچ صرف اینا کینا اے کہ

سُنیا تے کروڑاں دا

ویکھیا تے لکھدا

ملیاں تے سودا

واپسہا تے لکھدا

امین کنجاہی نوں سنو گے تے تدوی کروڑاں دے۔۔۔۔۔ ویکھو گے، ملو گے تے تدوی کروڑاں
دے تے جے تاڈا اوناں نال واپسے گا تے تدوی کروڑاں دے ہی ریہن گے۔۔۔۔۔ ایناں
وچ کوئی کمی یا رد و بدل نہیں آوے گا۔ ”اکلاپا“ وی کروڑاں دا اے تے کروڑاں پنجابیاں واسطے
اے۔۔۔۔۔ ضرور پڑھیا جے۔۔۔۔۔ رب راکھا

طیبہ بخاری

مدیر / پبلشر ”مکتبہ پاک ادب“

پنجابی نظم

کہیں ورہے ہوئے مینوں بھل بیٹھا
 جنے بھچیا ایس جہان اندر
 میں اپنا آپ گنوا بیٹھا
 اس مٹی دے خالی مکان اندر
 مال لہدا نہیں جیہڑا وک جاوے
 مینوں دسو کی پاواں دکان اندر
 اکو صادق امین بنایا ای
 نہیں لہدا دوجا قرآن اندر
 اُوہدے وس نے ایسا بے وس کیتا
 نہیں مکدا میرے شیطان اندر
 تینوں کسے شریک دی لوڑ نہیں سی
 اے کم پایا تو آپ شیطان اندر

پنجابی غزل

جھڈ کے اپنا کر گیاں واں
 سب کچھ اپنا ہر گیا واں
 آپ چناں وچ ڈب کے میں
 عشق دے فر پار گیا واں
 جیون دا اے پنیڈا اوکھا
 فر وی بازی مار گیا واں
 یاری دا کوئی مل نہیں ہوندا
 چپ چپے ہار گیاں واں

جدے نال روح ملدی
 اوہدے نال تو مل جا

بھلیکھے وچ پا جھڈیا ای
 کھڑے لکھے وچ پا جھڈیا ای

اے	پجاری	عشق	عافل
اے	کھڑاری	عقل	عافل

مری نس نس دے وچ نے او
 مرے دل دے اندر سے او
 میں عین عشق دا بھل جاواں
 مینو آکے رستہ سے او

اسی عشق مجازی کر بیٹھے
 اسی دل نوں راضی کر بیٹھے
 اسی لڑی لڑائی نیناں دی
 اسی ہجر نو قاضی کر بیٹھے
 اسی حال وی اپنا ہار دتا
 اسی یار نوں ماضی کر بیٹھے

لوکاں کولوں تھک گیاں واں
 جیندے جی میں اک گیا واں
 کس دے اگے پردہ چُکاں
 کس نو اپنا درد دکھاواں
 دُنیا کولوں جھک گیا واں

جَد جاں میری نکلے گی

جَد جاں میری نکلے گی

میں سوچناواں

میں ڈرناواں

میں رب کولوں اے منگناواں

میرے ہوش حواس وی قائم رہن

جَد روح میری جسم تو پرواز کرے

میں اوویلا تکتا چاہناواں

میں ہوش روے

میرے ہوش نہ رہواں

میرے اندر بھانڈا بدلے رہن

اے رب کولوں میں منگناواں

میرے دل دی دھڑکن جَد بند ہووے

میں محسوس کراں میری

جان بدن تو کیویں جاندی اے
 اُس دلیں جس دلیں دامنوں پتا نہیں
 او دلیں میرے لئی پردلیں جیہا
 اُس دلیں دی وادی وچ جا کے
 سارے اپنے بچناں متراں نوں ملاں
 جیہڑے مینوں چھڈ کے ٹر گئے سن
 میں رب کولوں اے منگناں واں
 مرے دل دی دھڑکن جد ر کے
 مرے خون دی حرکت بند ہووے
 مرے ساہ نوں ساہ وی جد آوے

میں رب کولوں اے منگنا واں
 میں ہوش حواس دے وچ ہونواں
 مینوں ں اپنی ربا مہلت دسیں
 مینوں جینے دا کوئی شوق نہیں
 اے طے وے آخر مرنا اے

کڈھ کے جند او لے جاوے گا
 خالی بکسہ رہ جاوے گا
 فیر ملاں گے حشر دیہاڑے
 روؤ نہ او کہہ جاوے گا
 جی کے مرنا ، مر کے جینا
 بندہ اے سب سہہ جاوے گا
 کچھ وی مینو راس نہ آیا
 عشق پواڑا پے جاوے گا

اک عرضی

میری چھوٹی جیہی اک عرضی اے
 اے عشق بڑا بے دردی اے
 کچھ تیرے تے نہیں زور میرا
 ہن اگے تیری مرضی اے
 نہیں ہوندی عشق اچ شرط کوئی
 اے رسم وی توں کر لئی اے
 میں بند گلی وچ کلا وال
 تو خلقت کٹھی کر لئی اے
 ہر شرط اے ہن منظور تیری
 ہاں میں وی حامی بھر لئی اے
 نہیں ایس اچ کوئی قصور تیرا
 ہر تہمت اپنے سر لئی اے

ہولی ہولی سارے مردے جاندے نے
 اسماناں دے تارے بن دے جاندے نے
 نیک رُوحاں نوں جلد بلا لیندا اے او
 اللہ جی دے پیارے بن دے جاندے نے
 اسیں وی ہن اڈیک لگا کے بیٹھے ہاں
 ساڈے وا تے لارے بن دے جاندے نے
 عشق نہیں جے کجھ وی چھڈا بندے وچ
 رُوحاں دے وی گارے بن دے جاندے نے

گھر جا کے کی کرنا اے

گھر جا کے کی کرنا اے
 جینا اے نہ مرنا اے
 اپنے آپ تو ڈرنا اے
 کلیاں بہہ کے سڑنا اے
 دل دے وچ مسیت بنا کے
 یار دا کلمہ پڑھنا اے
 کلی جان تے دُکھ ہزاراں
 کس کس دے نال لڑنا اے
 جناں پیچھے گناہ کمائے
 اونہاں کجھ نہیں کرنا اے
 بس اپنی قبرے ورنا اے

خواباں دے لشکارے اندر

خواباں دے لشکارے اندر
 چن دسدا اے تارے اندر
 باج ترے نئی دسدا کوئی
 آوے کون سوارے اندر
 کوئی نہ تن نوں کھولے جاوے
 کنڈیاں تالے مارے اندر
 جد وی ہس کے مل پیندا اے
 آجاناں واں لارے اندر
 نالی دے وچ ڈگی ہوئی سی
 لگی اٹ چو بارے اندر
 رب نے جد کلبوت بنایا
 عشق وی گئیاں گارے اندر

رب جانے کیہہ ہونا ایں

جتے وچ پروہنا ایں
 رب جانے کیہہ ہونا ایں
 اے جندڑی وانگ ملوک میری
 گل سچی روح معشوق میری
 میں گھنگرو بن کے نچاں گا
 فیر سُنے گا بھلا ہوک میری
 اے سارے بہہ کے رو دن گے
 جد نکلے گی جے پھوک میری
 اے دنیا گوئی ڈوری اے
 نہیں سُن دا کوئی کوک میری

عشق دادھو کہ کھا کے ویکھاں

پھا گلے وچ پا کے ویکھاں
 عشق دا دھو کہ کھا کے ویکھاں
 ہن تک گج نہ کرم کمائے
 کی لکھیا ای ربا لیکھاں
 روح نے جھے ات مچائی
 میں متھا ہون کیتھے ٹیکاں
 باج تیرے کجھ لگدا انج اے
 ننگے پنڈے گڑیاں میکھاں
 عشق دی سولی چاڑ دتا ای
 میں اکھاں ہن کتھے سیکاں

وچھوڑا

ہُن	وچھوڑا	پے	گیا
میں	کلاں	رہ	گیا
او	ہنس	کے	گیا
میں	کلا	روندا	رہ گیا

گنجبل

گنجبل سارے کڈ گیا ایں
 تو تے سانوں چھڈ گیا ایں
 تیر تلواری دی لوڑ نہ پئی اے
 گلاں نال ای وڈ گیا ایں

تھک گئی آں

پاٹھے دھو کے تھک گئی آں
 کپڑے دھونے باقی نہیں
 اک رونا ہووے تے دساں
 کنے رونے باقی نہیں
 گوڈے گئے رہ گئے نہیں
 دیدے کن وی رہ گئے نہیں
 باواں دے وچ زور نہیں
 میرے نال کوئی ہور نہیں

سچے لوگ

سچے لوگ وی اوکھے ہوندے
 چڑھ دے شوق وی دھوکے ہوندے
 جے کر یار نظر کر لیندا
 ساڈے جے وی سوکھے ہوندے
 پانی لوکی بھر بھر پیندے
 کھواں دے اسی بوکے ہوندے

رنگ جاواں

تیرے عشق دے رنگ وچ رنگ جاواں
میں پل صراط وی لنگ جاواں

عشق دا عین

عشق دا عین سمجھ نہ آوے
 شین عشق دا شک وچ پاوے
 قاف عشق دا کول بلاوے
 ہجر دا موسم ترلے پاوے
 وصل دا ویلا لنگ دا جاوے

نہماں نہماں ہنس وے

نہماں نہماں ہنس وے
 بلیاں اُتے سَنک وے
 اکھ میچ کے ساہنوں تک وے

جھوٹ دا سودا

جھوٹ دا سودا لانا کی اے
 گھاٹے وچ کمانا کی اے

اکھاں دے غلافاں وچ

اکھاں دے غلافاں وچ کج کے میں رکھاں گا
 فیر تینوں سوہنیاں رنج کے میں تکاں گا

اے وِس بڑا بے وِس

اے وِس بڑا بے وِس
 کہ وِس نہیں چلدا اے
 میں کی کراں مینوں دس
 کہ وِس نہیں چلدا اے
 اک واری مڑ کے ہس
 کہ وِس نہیں چلدا اے
 سانوں چڑھی عشق دی گس
 کہ وِس نہیں چلدا اے
 کدی ساڈے نال وی وِس
 کہ وِس نہیں چلدا اے
 مری ہوگئی اے ہن بس
 کہ وِس نہیں چلدا اے

شاہ عنایت[ؒ] دادر

شاہ عنایت[ؒ] دے درتے
 بہہ کے لیکیاں گج میں لیکاں
 پلے میرے امر نہ کوئی
 نکل پیاں نے چیرکاں
 حشر دیہاڑے دوزخ سڑساں
 پنڈے لگ سن سچاں
 شاہ عنایت ہتھ تو پھڑلے
 تینوں کلیاں بیٹھ اڈیکاں
 گج تے بول مرشد سائیاں
 کر آسان تریخاں
 لکھ ہزار نیں عیب میرے وج
 کر کرم دیاں چھاواں
 بلھا وارث تیرے ہوئے
 ہن میریاں پھڑلے باواں

ساڑھ کے کولا کر چھڑیا ای

ساڑھ کے کولا کر چھڑیا ای
 اے کی ڈھولا کر چھڑیا ای
 سرے وانگ ساں اکھ وچ رہندے
 لکھوں ہولا کر چھڑیا ای
 جد دا ٹر پر دیس گیا ایس
 گھر اے کھولا کر چھڑیا ای
 تکڑی تول کے بچنا ساہنوں
 سیر تو تولا کر چھڑیا ای
 عشق حقیقی امین تو کر کے
 گھر گھر رولا کر چھڑیا ای

مدینے دیاں گلیاں

لوکاں تے مدینے دیاں گلیاں نیں تگیاں
 اساں تے مدینے والا آپ اکھیں تکیا
 غماں والی پونجی میرے ہتھ دچوں لے کے
 خوشیاں دا تاج میرے سر اُتے رکھیا

پہلی ملاقات

پہلی ملاقات ہووے
 گندلاں داساگ ہووے
 مکھن تے مکئی ہووے
 نمی نمی ہوا وگے
 جدوں گل بات ہووے
 شکر دو پہر ہووے
 نم تھلے منجی ہووے
 گاں کلے بجی ہووے
 کٹورے وچ لسی ہووے
 عمراں داسا تھ ہووے
 کٹو چکی کرے
 ٹنڈاں والا کھوہ ہووے
 روح وچ روح ہووے
 پتاوی نہ لگے ساہنوں
 تاریاں دی رات ہووے

فیر گل بات ہووے
 کھیریاں نومات ہووے
 اکو جی ذات ہووے
 کن وچ والی ہووے
 گلاں اُتے لالی ہووے
 متھے اُتے بندی ہووے
 نک وچ نتھ ہووے
 ہتھاں وچ ہتھ ہووے
 بیلے دا دیاہ ہووے
 وارث گواہ ہووے
 عنایت دُعا کرے
 جگ واہ واہ کرے
 پہلی ملاقات ہووے
 گندلاں دا ساگ ہووے

آخر اک دن مرجانا اے

آخر اک دن مرجانا اے
 سانول نے وی مرجانا اے
 ساری عمر گناہ کمائے
 جھوٹ دے لیرے تن تے پائے
 عمل نہ کوئی سچے ہوئے
 نیک نہ کوئی بچے ہوئے
 قبر عذاب دے وچ جانا اے
 سپاں سانوں کھا جانا اے
 لوکاں پانے نہ کنجا ہی
 کوئی نہ اپنا بہن تے بھائی
 کلیاں برزخ وچ جانا اے
 جیہڑا رب دا او تھا نہ اے
 ہووے کئی صدیاں اوتھے
 تفتیش ہووے گی
 حشر دیھاڑے رب دے اُگے

پیش ہووے گی
 پونجی عملاں والی میری
 گنڈے دے دے وچ رکھ کے
 رب دے آگے پیش ہووے گی
 خیر تے شردی رلیں ہووے گی

میں رٹھڑے یار منانے نے
میں پیروچ گھنگھر وپانے نے

-0-0--0-0--0-0-

کلے کو ٹھے والے اپنے
ویہڑے دے وچ نچن دے
اگ عشق دی میرے سینے لگن دے

-0-0--0-0--0-0-

کشکول میرے دے وچ سائیں
کچھ سچ دے سکے سٹ سائیں

-0-0--0-0--0-0-

سساڈی واری گل نہیں سن دی
لوکاں دے نال پھرو دی ٹردی

-0-0--0-0--0-0-

مدینے میں وی جاناں اے
تے واپس فیر نہیں آناں اے

-0-0--0-0--0-0-

ڈر

مینوں اپنے آپ توں کیوں ڈر لگدا اے؟
 واواں دی چپ چاپ توں کیوں ڈر لگدا اے؟
 چار پھیرے میرے زندہ لاشاں نیں
 مرے ہوئے مینوں باپ توں کیوں ڈر لگدا اے؟
 پتارنگ دا ہاتھ وچ کوئی وی چنگا نہیں
 دو جے دی فیر ٹھاپ توں کیوں ڈر لگدا اے؟
 جے حشر دیہاڑے رب نے وی منہ پھیر لیا
 اسے گل دی چاپ توں کیوں ڈر لگدا اے؟

سگریٹ

بہہ کے سگریٹ پیندے ساں
 اک دو جے نال چیندے ساں
 پھٹ سی جیہڑے لگے ہوئے
 دوویں بہہ کے سیندے ساں

چڑیا بول پیاں

چن چڑھیارت مرجھائی
 تینوں میری یاد نہ آئی
 وے چڑیا بول پیاں
 مراہورنا کوئی سائیں
 سانوں کلیاں جھڈ نہ جائیں
 وے چڑیا بول پیاں
 میرے چار پھیرے ہا سے
 او گیا ٹر کر کے پا سے
 وے چڑیاں بول پیاں
 پھیرا وطنوں ول توں پائیں
 بن جاویں نہ تو ہر جائی
 وے چڑیا بول پیاں

پٹولے

نہ رہے پٹولے بابل
 تے ناں رہیاں نے گڈیاں
 کڈا سوہنا ویلا سی او
 پاندی ساں سکھیاں نال لڈیاں
 ویرے دے وچ بہہ جانے ساں
 سارے چڑھا ڈاہ کے
 اجڑ گیا او ویرا ساڈا
 نہ رہیاں او بڈھیاں

لائی بلھے دے سنگ یاری
 کچھ گئی اندروں آکڑ ساری

--0-0--0-0--0-0--

سوہنے لوگ

ایہنے سوہنے لوگ وی چنگے نہیں ہوندے
 دل دے بھیڑے شوق وی چنگے نہیں ہوندے
 اکوراہ ہی پیار دی چنگی ہوندی اے
 دل وچ بوتے چوک وی چنگے نہیں ہوندے

--0-0--0-0--0-0--

اپنا آپ گوا بیٹھے آں

اپنا آپ گوا بیٹھے آں
 یار توں تو کھا کھا بیٹھے آں
 جتھوں کوئی خیر نہیں لہنی
 اوہدے درتے جا بیٹھے آں
 ساری عمر حسد و چ گزری
 ہو کے اج تباہ بیٹھے آں
 جینے دی اک حد ہوندی اے
 اسی او حد مکا بیٹھے آں

ہجر و چھوڑا مکدا نہیں

ہجر و چھوڑا مکدا نہیں
 غصہ تینوں تکدا نہیں
 جس رُکھ تے کوئی پھل نہ لگے
 اور کھ کدی جھکدا نہیں
 جس پنڈے توں جھمکا ماریں
 او پنڈا کدی دکھدا نہیں
 عشق پچھال لے روح دے اندر
 روکنے نال او رُکدا نہیں
 واہ واہ بھلے کھیڑ چایا ای
 سانوں تے کوئی تکدا نہیں

دنیا داری

اے اوکھی دنیا داری اے
 ہن مرنے دی تیاری اے
 جتھے چشمہ فیض دا جاری اے
 ہن او تھے عرضی طاری اے
 کوئی چھوٹی جی اے مات نہیں
 اساں بازی عشق دی ہاری اے
 نہ شاہ عنایت نہ وارث اے
 نہ بلھے شاہ قصوری اے
 اے اوکھی دنیا داری اے

اکھیاں

اکھیاں دے وچ اکھیاں پا کے ویکھاں گے
 اگ عشق دی اندر لا کے ویکھاں گے
 سارے کیمہندے رب دلاں وچ وسدا اے
 ہن اسی نہ کعبہ جا کے ویکھاں گے
 عشق مسیتی پٹی لے کے بہہ گئے آں
 دل دے اندر یار بلا کے ویکھاں گے
 عشق دا پنیڈا سب تو اوکھا پنیڈا اے
 ککراؤ تے مہل سجا کے ویکھاں گے

اے دنیاوسوں بار

اے دنیاوسوں بار
 توں جت تے میں واں ہار
 کئی بھکھے کئی زردار
 ایتھے چور نے سب کردار
 گولی دیندے نے ہر وار
 اے دنیاوسوں بار
 ساری کوڑ بھری سرکار
 کردے ظلم نے وچ بازار
 اے دُنیاوسوں بار
 جینے دے دن چار
 دوا دکھے دو بے کار
 اے دُنیاوسوں بار
 نہیں وچ مسیتی پھوڑ
 ہوئے ربوں سارے دُور
 اے دُنیاوسوں بار

اٹی دے کے دُنیا وٹی
 اے کہو جی کھٹی
 چل امینا چلے ایتھوں
 چکے اپنی ہٹی

-0-0--0-0--0-0-

مرے لوں لوں دے وچ چیکاں نے
 مینوں تیریاں یار اڈیکاں نے
 میرے ویری نال مینو مار سکے
 مینوں مار یارل شریکاں نے
 میں مڑ مڑ تھہ پیار پڑھناں واں
 ترے ناں دیاں کتھے لیکاں نے

چاٹی وچ مدہانی اوکھی
 دل دی میل مکانی اوکھی
 اکھی پیچے لڑ جان دے نے
 لا کے توڑ نبھانی اوکھی

-0-0--0-0--0-0-

درد وٹڈانے اوکھے نے
 چار پھیرے توکھے نے
 اندروں کوئی وی چنگا نہیں
 جد بولن مارن ٹوکے نے

میں مٹی اودنور
میں موسیٰ اوطور

-0-0--0-0--0-0-

میں خواب گواچے لبد اواں
مٹی وچ مٹی دب داواں

-0-0--0-0--0-0-

منجی کلی ڈاہ دتی سو
تھر تھلی جی پادتی سو

سپ سے داؤنگ جاناں اے
 اوکھا ویلا نگھ جاناں اے
 مینوں کلیاں چھڈ نہ جاویں
 میں ویں تیرے سنگ جاناں اے

-0-0--0-0--0-0-

اکھیاں دے وچ ہڑ لوکایا
 چین کسے وی پل ناں پایا
 ہجر وچھوڑ اچھپیاں پاوے
 ملن دا ویلا پر نہ آیا

-0-0--0-0--0-0-

چاہ

جسے وچ واوے
 جانا کہڑے راہ وے
 دل اے ہو کر دا
 کراں تینوں چاہ وے
 ڈرتینوں کس دا
 راضی وی خدا اے
 ہتھ میرا پھڑلے
 منگاں میں دُعا وے
 کنجراں دے گھر آج
 بھلے داویا وے

جتے دے وچ سا اے تیرا
 اکھیاں تگن راہ اے تیرا
 کول میں بہہ کے اکھناں جھپکاں
 دیکھن دامنوں چا اے تیرا

-0-0--0-0--0-0-

دل دا بوہا

کدی تے بوہا کھول فی اڑیئے
 کدی تے بوہا کھول فی اڑیئے
 کدی تے بوہا کھول
 نہ تو ساہنوں رول فی اڑیئے
 کدی تے بوہا کھول
 مٹھے مٹھے بول فی اڑیئے
 منہ تو اپنے بول فی اڑیئے
 کدی تے بوہا کھول فی اڑیئے
 درتے تیرے آن کھلوتے
 دل دا لے کھول فی اڑیئے
 کدی تے بوہا کھول فی اڑیئے
 کدی تے بوہا کھول فی اڑیئے
 عشق دے دردوں رد نہ کردئیں
 عشق دے درتے یار بٹھا کے
 اپنے مونہوں بول فی اڑیئے
 کدی تے بوہا کھول فی اڑیئے

آیا تیرے بوہے اڑیے
 تیرے دل دا ڈھول نی اڑیے
 کدی تے بوہا کھول نی اڑیے
 ڈیگر ہو گئی ہن عمر دی
 کوئی تے ہووے کول نی اڑیے
 کدی تے بوہا کھول نی اڑیے
 کدی تے بوہا کھول نی اڑیے
 نہ کر کھجل تو اسسا ہنوں
 نہ سڑکاں تے رول نی اڑیے
 دل دا بوہا کھول نی اڑیے
 دل دے اندر چار پھیرے
 اکو ودا ڈھول نی اڑیے
 کدی تے بوہا کھول نی اڑیے
 عمر دی نقدی مکدی جاوے
 اے ویلا انمول نی اڑیے
 کدی تے بوہا کھول نی اڑیے

گل او ہدی وی منی اے
میں آکڑ اپنی پنی اے

--0-0--0-0--0-0--

چھڈ دے کرنے وہم تو سارے
بند کر بو ہے شک دے
جہناں دے اعمال کھرے ہون
اونیں کدی وی موت تو ڈر دے

-0-0--0-0--0-0--

کھوٹ

ہر پاسے ای کھوٹ اے وکدا
 سچ نہیں لہدا سو کھا جے
 دے امیتاں اک گل سمجھیں
 کھانہ جاویں تو کھاوے

-0-0--0-0--0-0-

سچی گل

سچی گل نوں مند انہیں
 یار دا بوہا بھن دا نہیں
 رب نے عشق لباس بنایا
 جیہڑا میرا تن دا نہیں
 وچوں وچ ای کھر دا جاوے
 منہ تے آکے من دا نہیں
 جیہدے کچھ عمر گوائی
 اوتے میرا بن دا نہیں

-0-0--0-0--0-0-

چپ چپتے مرجاواں گے
 آخر اپنے گھر جاواں گے
 کچھ پنڈے عشق سمایا
 اوکھا پنڈا سر جاواں گے
 عشق دی سٹاں لا بیٹھے آں
 جتے ناتے ہر جاواں گے

-0-0--0-0--0-0-

جینا ہُن عذاب اے لگدا
 اکھاں وچ چناب اے وگدا

-0-0--0-0--0-0-

سمندر

تر ابدن سمندر

میری روح دے اندر

میں پڑھاں نمازاں

ترے دل دے مندر

-0-0--0-0--0-0-

موسم

ہجر وصال داموسم
 بڑے کمال داموسم
 میری اوقات توں باہر
 ترے جمال داموسم
 کدی تے ختم ہووے گا
 اے ماہ و سال داموسم
 اے جے وی یاد اے مینوں
 او پچھلے سال داموسم

-0-0--0-0--0-0-

جھڈ کے اپنا گھر گیا واں
 سب کچھ اپنا ہار گیا واں
 آپ چناوچ ڈب کے یارو
 فر عشق دے پار گیا واں
 جیون دا اے پینڈا اوکھا
 فیروی بازی مار گیاں واں
 یاری دا کوئی مل نہیں ہوندا
 چپ چپتے ہار گیا واں

-0-0--0-0--0-0-

وچھوڑا پے گیا
 میں کلا رہ گیا
 اوہ ہنس کے فڑ گیا
 میں روندارہ گیا

-0-0--0-0--0-0-

ہرپا سے شام داڈیرا اے
 انج سنجھا میرا ویٹھرا اے
 جہڑا مینوں تھروچ رول گیا
 کی دسا اوکون اوکیڑا اے

-0-0--0-0--0-0-

درد رتے میں دھکے کھاواں
 اکھیاں دے وچ خواب چھپاواں
 کدی بے میرے کول توں آویں
 آپ وی رواں، تینوں رواں

-0-0--0-0--0-0-

میری کچھ مجبوری اے
 تکناں خواب ضروری اے
 ساواں داوی مک گیا پینڈا
 مرنا ہن ضروری اے

-0-0--0-0--0-0-

سزا

عشق کرنا سزا بن گیا
 سارا جگ میرے لئی اے خدا بن گیا
 زخم لائے اُوہنے جیڑے
 ہنس کے ملیا تے میری دوا بن گیا
 نہیں مکدا و چھوڑا ترے ہجر دا
 پورا جہاں ای میرا دُعا بن گیا
 پہلی پیشی تے میں تنکیا گیا
 یار میرا مخالف گواہ بن گیا

-0-0--0-0--0-0-

ساڈی عید کیہڑی شبرات کیہڑی
 ساڈا دن کیہڑا ساڈی رات کیہڑی
 جے توں نہیں ملنا سانوں دس دیویں
 ساڈی جت کیہڑی ساڈی مات کیہڑی

-0-0--0-0--0-0-

گل تے کوئی چنگی نہیں اے
 اک وی اوہنے مٹنی نہیں اے

-0-0--0-0--0-0-

دیکھو کیوں مرنا اے
کوئی تے بہانا بننا اے

-0-0--0-0--0-0-

منوں جھپتی مدینے وچ بلا لویا رسول اللہ
میرے ساداں دی کنتی ہولی ہولی گھٹ دی جاندی اے

-0-0--0-0--0-0-

بکل مار سویرے سوتا
رات دا جا گیا کتا
لوب تو فیت جے دیوے
راتی میں وی اٹھاں

-0-0--0-0--0-0-

کج ملن دا ویلا نیڑے وے
کج یار اوہ دل دے ویہڑے وے

-0-0--0-0--0-0-

جد پیو کر داسی میرے نال لاڈیاں
میں وی ضد اں کر داساں اوہدے نال ڈاہڈیاں

-0-0--0-0--0-0-

ساری عمر گوا بیٹھا آں
سکھ دا کوئی پل نہیں آیا

-0-0--0-0--0-0-

چھل

کوئی وی سانوں چھل نہیں آیا
 جینے دا کوئی ول نہیں آیا
 ساری عمر گوا بیٹھا آں
 سکھ دا کوئی پل نہیں آیا
 روز اوکھیندا، کل ملاں گے
 اج تک اوہدا کل نہیں آیا

-0-0--0-0--0-0-

اپنے رنگ وچ رنگ لے مینوں
 جتھے جاویں سنگ لے مینوں
 ہولی ہولی مردا جاواں
 اکو داری ڈنگ لے مینوں
 ہو رے مرضی رب دی کی اے
 مرناں جاواں منگ لے مینوں

-0-0--0-0--0-0-

معافی لکھ کے جیب وچ رکھی
 ہو رے کس ویلے منگنی پے جائے

-0-0--0-0--0-0-

دھڑکے دل تے روپیناواں
کوئی حال جے پوچھے کھوپیناواں

-0-0--0-0--0-0-

عجب تماشا لا بیٹھاواں
نواں سیاپا پا بیٹھاواں

-0-0--0-0--0-0-

جد تک ترا غم نہیں مکنائ
اکھیاں وچوں نم نہیں سکنائ

-0-0--0-0--0-0-

بندے سارے پنجرے اندر
پنچھی سارے باہر
رب سچے نے لوکاں دتی کئی وڈی ہار

-0-0--0-0--0-0-

ہار

اسی ہنس دے وسدے ہار گئے
 ساڈے یاروی سانوں مار گئے
 ساڈے اپنے سانوں پل بیٹھے
 جدا اسی ساں اپنے گھر گئے
 کئی منٹاں من من تھک گئے آں
 اسی شہر دے ہر در بار گئے
 ہن ویلا مکن والا اے
 اسی لڑا اندروں ہار گئے
 نہ اپنا آپ بچا پائے
 کئی لوکی ڈبدے تار گئے
 جد حق دی گل سنائی تے
 فرسیدھے گھرتوں دار گئے
 اسی میلے بن کے سٹے ساں
 ساہنوں اپنے قبر اتار گئے

مٹی دے بُت

دو مٹی دے بت بناواں
 بڑیاں چاواں نال
 فیر میں بھن دیاں دونواں نوں
 اپنے ہتھاں نال
 فیر میں دوواں وچوں لے کے
 مٹی گنا وصل دے پانی نال
 فیر اک نیواں بت بناواں
 بڑیاں ریاں نال
 جس وچ ہجر فراق دا
 کوئی ناں ہووے وال
 حشر تائیں اسی اک مک رہے
 رب دی مرضی نال

ورد

کچھ ایسا ورد توں پڑھ سائیاں
 میری مشکل ہو جائے حل سائیاں
 ناں ایویں گرج توں ساڈے تے
 کوئی خیر دابدل کھل سائیاں
 سانوں بخش دئیں توں محشروع
 ناں چکی وچ توں دل سائیاں

-0-0--0-0--0-0-

یار

یار میرا روح دیاں

تاراں ورگا

سا اولوے دل

دھڑ کے میرا

میں وی او ہدی

روح ورگاواں

اوہنوں پُچھے جا کے کیہڑا؟؟؟

-0-0--0-0--0-0-

کتا

کاش میں تیرے گھر دا کتا ہوندا
 کول تیرے میں رہندا ہوندا
 جو کجھ دیندی کھا میں لیندا
 جد توں گھرتوں باہر جاندی
 گھر تیرے دی را کھی کردا
 ناں میں منگ دا۔ ٹکڑ روٹی
 ناں میں منگ دا کپڑا لتا
 وفاداری دی حد میں کردا
 چٹ دا پیر تیرے میں یارا
 دم ہلاندا اگے پچھے چکر لانددا
 انساناں وانگ دغانہ کردا
 سچے مالک دے کہنے تے
 تیرے گھر دی را کھی کردا
 فیروی لوکی گھنیا کیہندے
 پر میں تیرا درناں چھڈدا
 کاش میں تیرا کتا ہوندا

اپنی نفی

کی مسجد مندر جانا ای
 کر صاف توں اپنے اندرون
 کر اپنی آپ نفی پہلے
 فیر انگل چکیں دو جے تے
 اک جھاتی پالے اپنے ول
 اے ویلا مڑ نہیں آنا ای
 ناں کم کوئی رکھیں کل تے توں

--0-0--0-0--0-0--

موڑ

حیاتی دے سارے موڑ سن اوکھے

جد میرا پنیڈا سوکھا ہو یا

سینے دے وچ ساہ سن اوکھے

جیہناں اُتے سی بھروسا

اوہناں کولوں کھا دے دھوکے

-0-0--0-0--0-0-

روناں

ہولی ہولی چھپ کے روناں
 دوائی رکھ سہانے سوناں
 بچے وانگ پرندیاں اڑ گئے
 مائی باپ نوں کلیاں چھڈ گئے
 بھیج دے نے وٹس اپ تے ویڈیو
 کہندے نے نہ فکر کرو کج
 آجاواں گے چھیتی گھرنوں
 جھوٹے لارے لا چھڈ دے نے
 وچ اووچی وڈ چھڈ دے نے
 رُکھ توں جمیڑا اڈ جاندا اے
 او پنچھی مڑ نہیں آندا اے
 وقت دے ہتھیں رل جاندا اے
 پچیاں وچ او بھل جاندا اے

اوہدے وی کوئی ماں پیوسن
 جیہناں اوہنوں دودھ پلایا
 چولی چکیاں موٹڑھے بٹھایا
 دُنیا دا فیر علم سکھایا
 بڈھے ویلے ساتھ دیوے گا
 دکھاں نوں او مات دیوے گا
 جیندے جی او گھر نہ آیا
 بس قبر وچ لاہن او کلیاں آیا
 نا کوئی پتر نال لیا یا
 ناں دادے دامنہ وکھایا
 چپ چپے آن کھلوتا
 روند اسی او سب تو بوہتا

سجرے پھل تے
 کنڈے جیویں کٹھے رہندے نیں
 جی کر دالے اسی وی دونویں
 انج ای ریپے

-0-0--0-0--0-0-

کیویں ٹٹن چپ دے تالے
 ویکھ زبان تے پے گئے چھالے
 جیویں اماں لاڈ لڈائے
 روگ اسماں وی انج نیں پالے

-0-0--0-0--0-0-

کوئی ایسی شے سونگھا مہیا
میں اکھ کھولاں، اکھ کھلے ناں

-0-0--0-0--0-0-

روح دا چولا

ربا کی کج ہوناں اے
 روح دا چولا دھوناں اے
 یار نے جدناں شکل دکھائی
 کلکیاں بہہ کے روناں اے
 دل دا خالی کا سہ لے کے
 درد رتے فیر پوناں اے
 دنیا داری دھوکا ڈاڈا
 جانے کی کی کھوناں اے

-0-0--0-0--0-0-

ہنجوں دی تسی پڑھ پڑھ کے
 اسی یارناں راضی کر پائے
 جس پیار تے کیتا مان بڑا
 او پیارناں راضی کر پائے
 ساڈی قسمت ای بد قسمت سی
 اسی یارناں راضی کر پائے

-0-0--0-0--0-0-

میں ٹٹ گیا میں بچ گیا
 ایس جینے توں میں رج گیا

-0-0--0-0--0-0-

قیمت

ہر سادہ دی اپنی قیمت اے
 جداے روکیاں سب خاک ہو یا
 دل چاک ہو یا
 سب پاک ہو یاں
 توود و زخم لگا سجن
 دل ہجراں دے وچ تاک ہو یا
 سب خاک ہو یا

-0-0--0-0--0-0-

دل دا کا سا

دل دا کا سا خالی اتوں
 کون بھرے گا عشق نوں
 ہجر دی اک داساڑ بڑا دے
 ہنجو گیاراں دل توں
 لوکاں پانے میں شدائی
 کلاں میں اک پاسے خدائی
 سہی ناں جائے اے جدائی
 چار پھیرے پئی دہائی
 ناں کسے نوں سمجھ اے آئی
 لڑپے ماں جائے
 اک پل وچ سارے
 جد قبر وچ لائی
 جگ وچ کوئی نہ یار کسے دا
 نہ کوئی پہن تے پائی
 اے گل مینوں سمجھ جدائی
 مگ گئی عمر کمائی

عرضی

جے کریا قبول کرے تے

اساں وی عرضی تاری اے

ہر شے دے وچ نور اے اوہدا

ہر شے تے او بھاری اے

مٹی دے وچ پھوک سوماری

فیراں پئی خلقت ساری اے

خیر تے شر دے دنگل اندر

شر نے بازی ہاری اے

جھوٹے مرشد جھوٹے پیر

جھوٹی دنیا داری اے

اکو مرشد اکو پیر

جدی دنیا ساری اے

-0-0--0-0--0-0-

دل دے اندر زخم بڑے نے
 کون تر و پے لائے
 ہجر سیا پالمبا ہویا
 یار ملن نہ آئے
 ہتھ جوڑے میں تر لے پائے
 کوئی تے سینے لائے

-0-0--0-0--0-0-

چار پھیرے دھند دکھان دی
 سکھ دی دھپ نظر نہ آئے
 اے چانن بکل ماری
 کڈلئی جان زمانے

-0-0--0-0--0-0-

مٹے بچے خواب نے دیکھے
اکھیاں وچ عذاب نے دیکھے

-0-0--0-0--0-0-

مٹی دے وچ مٹی ہوسی
مٹی خلقت ساری اے

-0-0--0-0--0-0-

عشق ندی

عشق ندی توں تو لے کے پانی
 سب تو پہلے تیرے ناں دے فرض پڑھاں گا
 غیر متھے نوں فیک فرش تے
 رب دے اگے عرض کراں گا
 سچیاں سائیاں
 ساڈی سن لے
 یار ترے توں منگیاں اے میں
 کاساں دل دا بھر دے ربا
 جے کرمل پین دوشدائی
 کی جاندا اے تیرا ربا؟
 کچھ وی فرق نہیں پوے گا
 قائم روے گی تیری خدائی

کلم کلے

کلم کلے رہ گئے آں
 لک چھپ کے ہن بہہ گئے آں
 تیرے بجز وچ رب دے اگے
 ہتھ چک کے اسیں ٹہہ گئے آں
 سنیا اے کے اوہ وی انج نہیں
 اسیں تے بیٹھے رہ گئے آں
 اس درنوں ہن میں نہیں چھڈنا
 دردے اگے بہہ گئے آں

قضا

یار قضا کر بیٹھاواں
 بھر سزا کر بیٹھاواں
 ہتھی لا کے تالا دل نوں
 رنج خدا کر بیٹھاواں
 وقت نے مڑ کے فیر نہیں آؤنا
 لکھ دعا کر بیٹھاواں
 بس اک پل ای اکھی لگی
 گھر فنا کر بیٹھا آں

-0-0--0-0--0-0-

ٹھنڈی چھاں

کدی ماں وی ہندی سی
 ٹھنڈی چھاں وی ہندی سی
 کدی ہاں وی ہندی سی
 کدی ناں وی ہندی سی

ڈوہنگی گل



امین کنجای پنجابی شاعری دے حوالے نال اک نویکلی پہچان رکھدے
نیں۔ کنجاہ واناں جدوں وی ذہن وچ آندا اے اک پوری ادبی روایت
سامنے آکھلوندی اے، کنجاہ وچ جمن تے ایہیہے نال جڑت رکھن آلیاں
ہستیاں پوری دنیا وچ چنگاں نال کماں چکیاں نہیں۔ دھرتی دے کجھ
نکلے اوچھی وڈیائی آلے ہوندے نہیں اوہناں وچ نور، علم تے ادب
دے بہوں خاص ذرے لگے ہوندے نہیں جیہڑے لوکائی دے دھیان
دی واج دیندے نہیں۔ پر تحقیق کاراںوں زور نال اپنے ول کھچدے نہیں
۔ دوجے اکھراں وچ لکھاریاں فنکاراں دی کجھ تے جڑت بہوں
کمری تے پڈی ہندی اے۔

امین کنجاہی ایک ہر فن مولا بندہ اے جہدے اکھراں، آواز تے انداز وچ رب نے چنگی برکت تے تاثیر رکھی اے۔ اوہ بہوں سوئی کمپیئرنگ، ریڈیو تے ٹی وی پروگرام کردا اے۔ ادبی تے ثقافتی تقریبات وچ رلت تے اوہناں دا پر بندھ کرنا وی اوہدے روزنامے وچ شامل اے۔

میں چدوں اوہناں دی شاعری پڑھتی آں تے بخش ہوئی آں کہ اوہ بہوں سہولت نال بہوں سوہنے شعر کہندے نیں۔ اوہناں دے شعراں وچ گیت نگاری دا کوڑا رنگ تھلکدا اے، ادویاں دی غزل وچ اینار چاڑا تے ترنم اے کہ اوہ گیت دے نیڑے دے نیڑے دوسری اے۔

اکھراں، مفہوم تے سنیے نوں نگھر رکھ کے اوہدا ویردا کیتا جائے تے امین کجباہی دی شاعری وڈی شاعری اکھواندی اے۔ شاعری دا اک کچھ سنہا پایاں شعری جمال اے جے اوہ نہ ہووے تے شاعری رُکھی جیہی لکھت بن جاندی اے۔ شعری جمال یاں شعریت شعراں نوں چوکھا پُراثر بناندے نیں۔ امین کجباہی دی شاعری وچ ایہہ دونوں شیواں موجود نیں۔ اوہ ڈوہجکی گل دی کردے نیں تے سوہنا انداز وہ رکھدے نیں۔ میں اوہناں دے شعری سفر دے حوالے نال دعا کردی آں کہ اوہناں دی کتاب ”اکلاپا“ لوکاں دے دل تیکر اپڑے۔ مینوں تے اوہناں دا ہر شعر دل تیکر اپڑا جا پدا اے۔۔۔۔۔ رب راکھا۔۔۔۔۔

ڈاکٹر صغریٰ صدف

مکتبہ پاک ادب